

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Služba komunalne djelatnosti, vode i  
zaštite okoliša

Broj: 04/1-23-\_\_\_\_\_/18

Bihać, \_\_\_\_\_.2018. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Bihaća u svojstvu predlagача propisa i drugih akata

**O D R E Đ U J E**

Izvjestioca: Jasmina Stamboliju, pomoćnika gradonačelnika za komunalne djelatnosti, vode i zaštitu okoliša na sjednici Gradskog vijeća i radnim tijelima po prijedlogu tačke dnevnog reda:

- Nacrt Odluke o komunalnim taksama

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**  
**GRADONAČELNIK**

Služba za komunalne djelatnosti,  
vode i zaštitu okoliša

Broj:04/1-23-5-\_\_\_\_\_/18  
Bihać, \_\_\_\_\_2018.godine

GRADSKO VIJEĆE BIHAĆ  
-ovdje-

PREDMET: Nacrt Odluke o komunalnim taksama, dostavlja se

Na osnovu člana 52. tačka a) Statuta Grada Bihaća ("Službeni glasnik Grada Bihaća" broj: 13/15), Gradonačelnik Grada Bihaća dostavlja Gradskom vijeću na razmatranje radi donošenja Nacrt Odluke o komunalnim taksama.

**O b r a z l o ž e n j e**

*Pravni osnov za donošenje:*

Pravni osnov za donošenje Nacrta Odluke o komunalnim taksama sadržan je u odredbama:

- člana 12. Zakona o lokalnoj samoupravi Unsko-sanskog kantona („Službeni glasnik USK-a” broj 8/11), kojim je propisano da općina, kao jedinica lokalne samouprave, u okviru vlastite nadležnosti donosi propise o porezima, naknadama, doprinosima i taksama iz nadležnosti jedinice lokalne samouprave.

- člana 35. tačka c) Statuta Grada Bihaća ("Službeni glasnik Grada Bihaća" broj 13/15), kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

*Razlozi za donošenje:*

Izradi Nacrta nove Odluke o komunalnim taksama pristupilo se, prvenstveno, radi zaprimljenog zahtjeva Ustavnog suda Federacije BiH, broj U-18/18 od 19.07.2018. godine, kojim se od Gradskog vijeća Bihać traži odgovor na podnešeni zahtjev Premijera Federacije BiH za ocjenu ustavnosti odredaba člana 1., 2., 3., 4., 5. i 6. tačke j) i k) i Aneksa II-Tarifa

komunalnih taksi, DIO-J i K, Tarifa br. 10 i 11 Odluke o izmjenama i dopunama Odluke o komunalnim taksama koja je objavljena u „Službenom glasniku Grada Bihaća”, br. 2/16.

Naime, 2015. godine Gradsko vijeće Bihać donijelo je važeću Odluku o komunalnim taksama (“Sl.glasnik Grada Bihaća”, br. 14/15), kojom su propisane vrste, visina (tarifa) i način plaćanja komunalnih taksi na području grada Bihaća.

Tokom 2016. godine pristupilo se donošenju Odluke o izmjenama i dopunama Odluke o komunalnim taksama („Sl. glasnik Grada Bihaća”, br. 2/16), kojom je:

- izvršeno brisanje odredbi vezanih za plaćanje komunalne takse za priređivanje igara na sreću, a prema aktu Federalnog ministarstva finansija, u kojem je navedeno da se takse za priređivanje bilo koje vrste igara na sreću, čije je priređivanje dozvoljeno Zakonom o igrama na sreću, ne može svrstati u kategoriju komunalnih taksi koje se propisuju, razrezuju i naplaćuju kao prihod jedinica lokalne samouprave na osnovu odluka Gradskog vijeća, te da je priređivanje igara na sreću, u skladu sa navedenim Zakonom isključivo pravo FBiH,
- propisano da se obračun komunalne takse za korištenje uređaja i opreme za pružanje usluga mobilne telefonije i za korištenje elektroenergetskih objekata kojima se vrši prenos električne energije-trafostanica vrši na godišnjem nivou /po komadu,
- propisana, po prvi put, obaveza plaćanja komunalne takse za korištenje uređaja za pružanje usluga kablovske televizije i bežičnog interneta, te komunalna taksa za korištenje podzemnih i nadzemnih instalacija.

Međutim, Presudom Ustavnog suda FBiH, broj: U-36/16 od 11.07.2017. godine, donešenoj po zahtjevu Premijera FBiH utvrđeno je da član 3. stav 1. tačka g) Aneks II- Tarifa komunalnih taksi, Dio G-Tarifa broj 7. Odluke o komunalnim taksama (“Službeni glasnik Grada Bihaća”, broj: 14/15) nije u saglasnosti sa Ustavom FBiH, jer vrsta, značaj i složenost telekomunikacijskih uređaja i opreme ne može biti relevantan kriterij za obračun komunalne takse.

Radi navedenog, a u skladu sa uputama iz Presude Ustavnog suda, tokom 2017. godine Gradsko vijeće Bihać donijelo je Odluku o izmjenama Odluke o komunalnim taksama, („Sl.glasnik Grada Bihaća“, br. 13/17), na način da je kao kriterij za obračun komunalne takse za korištenje uređaja i opreme za pružanje usluga mobilne telefonije i korištenje elektroenergetskih objekata kojima se vrši prenos električne energije-trafostanica propisana zona u kojoj se koriste predmeti, prostori ili pružaju usluge.

Međutim, Premijer FBiH podnio je Ustavnom sudu FBiH, dana 04.07.2018. godine novi zahtjev za ocjenu ustavnosti Odluke o izmjenama i dopunama Odluke o komunalnim taksama („Sl. glasnik Grada Bihaća”, br. 2/16), u dijelu koji propisuje obavezu plaćanja komunalne takse za korištenje podzemnih i nadzemnih instalacija i za korištenje uređaja i opreme za pružanje usluga kablovske televizije i bežičnog interneta, u kojem je navedeno da kriterij djelatnosti nije objektivni i relevantni kriteriji za obračun komunalne takse.

Obzirom da je zahtjev temeljen na istom činjeničnom stanju, kao i kod ocjene ustavnosti Odluke vezano za mobilne operatere, nadležna Služba obavijestila je Ustavni sud da su u toku aktivnosti na izmjeni osporenih odredbi Odluke o izmjenama Odluke o

komunalnim taksama („Sl. glasnik Grada Bihaća“, br: 2/16), koja bi trebala sadržavati drugačije kriterije za propisivanje obaveze plaćanja komunalne takse za korištenje uređaja uređaja za pružanje usluga kablovske televizije i bežičnog interneta, te korištenje podzemnih i nadzemnih instalacija, iz kog razloga se predlaže dodatni, objektivni kriterij a to je zoniranje područja grada.

Pored navedenog, predloženim Nacrtom odluke brisane su odredbe koje se odnose na obavezu plaćanja komunalne takse za korištenje taksi stajališta na području grada Bihaća. Naime, Odlukom o privremenom korištenju javnih površina na području grada Bihaća („Sl.glasnik Grada Bihaća“, br. 4/15) propisano je da se javne površine mogu privremeno koristiti i za ostala privremena korištenja, i to u svrhu: parkiranja motornih vozila, postavljanja objekata jednostavnih usluga u nepokretnom ili priključnom vozilu, reklamnih balona, dječijih autića i vozića, klizališta, održavanja kulturnih, zabavnih, sportskih, humanitarnih i drugih manifestacija i drugih specifičnih sadržaja. Kako je i članom 11. Odluke o organizaciji i načinu obavljanja taksi prijevoza na području USK-a („Sl.glasnik USK-a“, br.23/11) propisano da se za upotrebu taksi stajališta na javnim površinama plaća godišnja naknada, smatramo opravdanim iz Odluke o komunalnim taksama brisati odredbe koje se odnose na obavezu plaćanja komunalne takse za korištenje taksi stajališta i ovu obavezu propisati Odlukom o privremenom korištenju javnih površina na području grada Bihaća, kao godišnju naknadu za korištenje javnih površina.

Nadalje, predloženim tekstom Odluke, a u cilju postizanja što veće kvalitete poslovnog okruženja i poboljšanja kvaliteta usluga koje Grad Bihać kao jedinica lokalne samouprave pruža postojećim privrednicima i novim potencijalnim investitorima, predloženo je:

- smanjenje komunalne takse za istaknutu firmu za 20%,
- smanjenje komunalne takse za reklamne panoje, samostojeće reklamne panoje, reklame na stubovima javne rasvjete i reklamne panoje na nosačima na fasadi građevine za 10%,
- smanjenje komunalne takse za organizovanje i držanje žive muzike u ugostiteljskim objektima za 10%,
- smanjenje komunalne takse za korištenje uređaja za pružanje usluga mobilne telefonije, korištenje elektroenergetskih objekata kojima se vrši prenos električne energije i korištenje uređaja za pružanje usluga kablovske televizije i bežičnog interneta za cca. 5%.

Također, predloženim tekstom je izvršeno usklađivanje Aneksa I-Zone na području grada Bihaća sa nazivima ulica utvrđenih Odlukom o nazivima ulica, trgova i mostova na području grada Bihaća („Sl.glasnik Grada Bihaća“, br. 3/16 i 6/16).

Iako gore navedenim izmjenama i dopunama nije obuhvaćen veliki dio osnovnog teksta, predlagač se opredijelio za izradu Nacrta nove Odluke imajući u vidu da je osnovni tekst važeće Odluke o komunalnim taksama već dva puta mijenjan i dopunjavan, što zajedno sa predloženim izmjenama i dopunama može dovesti do otežanog praćenja teksta i sadržaja Odluke, pa i do poteškoća u primjeni iste.

Radi gore navedenog, predlažem Gradskom vijeću Bihać usvajanje Nacrta Odluke o komunalnim taksama, kao u predloženom tekstu.

*Potrebna finansijska sredstva*

Za provođenje ove Odluke nije potrebno obezbjediti finansijska sredstva.

Obrađivač akta:  
Elvira Hadžić, dipl. pravnik

Gradonačelnik  
Šuhret Fazlić

Prilog:

1. Nacrt Odluke o komunalnim taksama
2. Odluka o komunalnim taksama ( „Službeni glasnik Grada Bihaća“ broj: 14/15, 2/16, 13/17)
3. Zahtjev Premijera FBiH broj:01-01-1692-11/16 od 04.07.2018. godine

Na osnovu člana 12. stav (3) tačka nj) Zakona o lokalnoj samoupravi USK („Službeni glasnik USK-a“, broj: 8/11) i člana 35. tačka i) Statuta Grada Bihaća („Službeni glasnik Grada Bihaća“, broj: 13/15) Gradsko vijeće Bihać na \_\_\_\_\_ sjednici održanoj dana \_\_\_\_\_ 2018. godine, d o n o s i

**N A C R T**

## **ODLUKU O KOMUNALNIM TAKSAMAMA**

### **DIO PRVI – OPĆE ODREDBE**

#### **Član 1.**

( Predmet Odluke )

Ovom Odlukom propisuju se vrste, visina (tarifa) i način plaćanja komunalnih taksa na području grada Bihaća.

#### **Član 2.**

(Plaćanje komunalne takse)

Komunalne takse plaćaju se za korištenje predmeta, prostora ili pružanje usluga za čije korištenje je propisano plaćanje komunalne takse.

#### **Član 3.**

(Vrste komunalnih taksa)

Komunalne takse (u daljem tekstu: takse) plaćaju se za:

- a) istaknutu firmu
- b) isticanje reklama
- c) privremeno zauzimanje javnih površina
- d) prodaju roba ili pružanje usluga izvan poslovnih prostorija
- e) priređivanje zabavnih igara
- f) organizovanje i držanje žive muzike u ugostiteljskim objektima
- g) korištenje uređaja za pružanje usluga mobilne telefonije
- h) korištenje elektroenergetskih objekata kojima se vrši prenos električne energije
- i) korištenje podzemnih i nadzemnih instalacija
- j) korištenje uređaja za pružanje usluga kablovske televizije i bežičnog interneta.

#### **Član 4.**

(Pojmovi i termini)

Pojmovi i termini koji se upotrebljavaju u ovoj Odluci:

- a) Pod istaknutom firmom podrazumijeva se ime pod kojim pravno ili fizičko lice posluje.

b) Pod isticanjem reklama, kojima se reklamiraju proizvodi, usluge i dobra podrazumijeva se:

- 1) reklamni pano,
- 2) samostojeći reklamni pano (city light, billboard, bigboard, megaboard, totem, wallscape, display i sl),
- 3) reklama na stubovima javne rasvjete,
- 4) reklamni ormarić ili vitrina,
- 5) pokretni reklamni pano,
- 6) transparent,
- 7) reklama na tendama,
- 8) jarbol sa reklamnom zastavom,

9) reklamni sadržaj, poruka ili informacija, koja je oslikana, ljepljena, pisana ili otisnuta na fasadi građevina ili izlozima poslovnih prostora.

c) Pod zauzimanjem javnih površina podrazumijeva se zauzimanje istih za održavanje javnih manifestacija uz naplatu ulaznica (koncerti, video projekcije i sl.), komercijalnih prezentacija i prigodnih prodaja dobara,

d) Pod prodajom roba i pružanjem usluga izvan poslovnih prostorija podrazumijeva se pružanje ugostiteljskih usluga u ljetnim baštama, izlaganje roba u vitrinama, prodaja roba na pokretnim stolovima, postavljanje i korištenje bankomata i aparata za prodaju proizvoda u originalnom pakovanju i pružanje ugostiteljskih usluga,

e) Pod priređivanjem zabavnih igara u ugostiteljskim objektima i drugim prostorima podrazumijevaju se igre na računarima, igraćim konzolama, simulatorima, automatima za video igre, fliperima, bilijarima i drugim sličnim automatima koji se stavljaju u pogon pomoću kovanog novca, žetona ili uz naplatu, a u kojima igrač ne može ostvariti dobitak u novcu, stvarima ili pravima

f) Pod organizovanjem i držanjem žive muzike u ugostiteljskim objektima podrazumijeva se povremeno ili svakodnevno izvođenje muzičkog programa uz pružanje ugostiteljskih usluga,

g) Pod korištenjem uređaja za pružanje mobilne telefonije podrazumijeva se korištenje baznih i mikrobaznih stanica mobilne telefonije, predajnika (pasivni repetitori), antena i stubova,

h) Pod korištenjem elektroenergetskih objekata kojima se vrši prenos električne energije podrazumijeva se korištenje: prenosnih trafostanica prenosnog odnosa: 220/110/35/10(20) kV i elektrovučnih postaja 110/25 kV, trafostanica 35/10(20) kV, rasklopnih postrojenja i distributivnih trafostanica 10(20)0,4 kV (STS i MBTS),

i) Pod korištenjem podzemnih i nadzemnih instalacija podrazumijeva se korištenje elektroenergetskih, telekomunikacijskih i kablovskih instalacija u svrhu prenosa telefonskog, TV i internet signala, prenosa podataka, električne energije i sl.,

j) Pod korištenjem uređaja za pružanje usluga kablovske televizije i bežičnog interneta podrazumijeva se korištenje baznih i mikrobaznih stanica, predajnika, antena i stubova.

## Član 5.

### (Obveznik takse)

(1) Obveznik takse je pravno lice i fizičko lice koje obavlja samostalnu djelatnost i koje koristi predmet, prostor ili pruža uslugu za čije korištenje je propisano plaćanje takse.

(2) Ako za istu taksu postoje dva ili više obveznika njihova obaveza je solidarna.

## Član 6.

### (Obaveza i način plaćanja takse)

(1) Obaveza plaćanja takse nastaje u trenutku kad se počine koristiti predmet, prostor ili pružati usluga za čije korištenje je propisano plaćanje takse.

(2) Taksa se plaća na način i u rokovima propisanim ovom Odlukom.

## Član 7.

### (Prihodi od taksi)

Prihodi od taksi uplaćuju se na račun javnih prihoda Budžeta Grada Bihaća putem poslovne banke.

## DIO DRUGI- PODNOŠENJE PRIJAVE, RAZREZ I NAČIN PLAĆANJA TAKSE

## Član 8.

### (Podnošenje prijave)

(1) Obveznik takse dužan je podnijeti prijavu za razrez takse, na obrascima čiji sadržaj propisuje gradonačelnik.

(2) Obveznik takse dužan je prije početka korištenja predmeta, prostora ili pružanja usluga za čije korištenje je ovom Odlukom propisano plaćanje takse na propisanom obrascu podnijeti prijavu:

a) za taksu iz člana 3. tačka a) i e) - Poreznoj upravi, Ispostava Bihać,

b) za taksu iz člana 3. tačka b), c), d), f), g), h), i) i j) - Službi za komunalne djelatnosti, vode i zaštitu okoliša (u daljem tekstu: nadležna Služba).

## Član 9.

### (Rokovi za podnošenje prijave)

(1) Prijava za razrez takse iz člana 8. ove Odluke podnosi se do 28. februara tekuće godine za koju se razrez vrši, i to taksu, čiji je iznos utvrđen za period od jedne godine.

(2) Promjene nastale poslije 1. januara tekuće godine, odnosno u toku godine, takseni obveznik dužan je prijaviti ovisno od nadležnosti, Poreznoj upravi ili nadležnoj Službi, najkasnije u roku od 15 (petnaest) dana od dana nastanka promjene.

(3) Rok za prijavu ostalih taksa je sedam dana prije početka korištenja predmeta, prostora ili usluga za čije je korištenje propisano plaćanje takse.



(4) Pravno lice i fizičko lice koje obavlja samostalnu djelatnost, koje u toku godine postane obveznik takse, plaća taksu u iznosu koji je srazmjeran vremenu od dana nastanka taksene obaveze do kraja tekuće godine.

#### Član 10.

( Rješenje)

- (1) Taksene prijave moraju biti potpune i podnesene u roku.
- (2) Obavezu plaćanja takse, na osnovu podnešenih prijava, rješenjem utvrđuju:
  - a) Porezna uprava - Ispostava Bihać - za taksu iz člana 3. tačka a) i e)
  - b) nadležna Služba - za taksu iz člana 3. tačka b), c), d), f), g), h), i) i j) .
- (3) Ako obveznik takse iz stava (2) tačka a) ovog člana, nije podnio prijavu u roku od 15 (petnaest) dana od roka utvrđenog članom 9. ove Odluke, Porezna uprava ima ovlaštenje da u ime taksenog obveznika podnese prijavu za plaćanje takse.
- (4) Ako obveznik takse iz stava (2) tačka b) ovog člana nije podnio prijavu u roku od 30 (trideset) dana od roka utvrđenog članom 9. ove Odluke, nadležna Služba će po službenoj dužnosti rješenjem utvrditi obavezu plaćanja takse.

#### Član 11.

(Evidencija )

- (1) Porezna uprava i nadležna Služba kontinuirano prikupljaju i evidentiraju podatke i promjene od značaja za razrez i naplatu takse.
- (2) Nadležne gradske službe za upravu, policijski i inspekcijски organi dužni su mjesečno Poreznoj upravi dostavljati podatke, dokumentaciju i informacije od značaja za razrez i naplatu takse.

#### Član 12.

(Način plaćanja)

- (1) Taksa se plaća u jednakim mjesečnim ratama unaprijed do 5. u mjesecu.
- (2) Mjesečni iznos takse iz stava (1) ovog člana utvrđuje se dijeljenjem ukupno utvrđenog iznosa takse i perioda za koji je utvrđena taksena obaveza.
- (3) Takse koje su utvrđene za period kraći od jednog mjeseca, plaćaju se u roku od sedam dana od dana nastanka taksene obaveze.

### DIO TREĆI- POVRAT I NAPLATA TAKSE

#### Član 13.

(Zahtjev za povrat takse)

- (1) Lice koje je platilo taksu koju, po odredbama ove Odluke, nije bilo dužno da plati, kao i lice koje je preplatilo taksu ima pravo na povrat sredstava na osnovu zahtjeva koji podnosi:
  - a) Poreznoj upravi-Ispostava Bihać-za taksu iz člana 3. tačka a) i e) ove Odluke

b) nadležnoj Službi-za taksu iz člana 3. tačka b), c), d), f), g ), h), i) i j) ove Odluke.

(2) Porezna uprava i nadležna Služba će po osnovu zahtjeva iz stava (1) ovog člana donijeti rješenje, u roku od 30 dana od dana primitka zahtjeva za povrat sredstava.

#### Član 14.

( Primjena Zakona )

U dijelu razreza taksi, naplate, zastare, povrata i ostalih radnji koje nisu posebno regulisane ovom Odlukom, Porezna uprava će primjenjivati odredbe Zakona o poreznoj upravi, a nadležna Služba primjenjivat će odredbe Zakona o upravnom postupku.

#### Član 15.

( Prinudna naplata takse)

Ako obveznik u propisanom roku ne uplati taksu, nadležna Služba će sudskim putem pokrenuti postupak prinudne naplate.

### DIO ČETVRTI-OSLOBAĐANJE I OLAKŠICE KOD PLAĆANJA TAKSE

#### Član 16.

(Oslobađanja)

Od plaćanja komunalne takse oslobođeni su:

- a) Organi i tijela državne, federalne, kantonalne i općinske/gradske vlasti
- b) Obrtnici-poljoprivredni proizvođači i obrtnici iz Uredbe o zaštiti starih tradicionalnih zanata ("Sl. novine Federacije Bosne i Hercegovine" br. 62/05),
- c) Javne ustanove iz oblasti predškolskog obrazovanja (uključujući privatne predškolske ustanove sa registrovanom djelatnosti), prosvjete, nauke, kulture, zaštite kulturne i prirodne baštine, sporta, zdravstva, veterinarstva, socijalne zaštite, humanitarne, vjerske i dobrotvorne organizacije za ostvarivanje ciljeva iz osnovne djelatnosti za koje su registrovani,
- d) Organizacije ratnih vojnih invalida, organizacije porodica šehida i poginulih boraca, organizacije demobilisanih boraca i organizacije civilnih žrtava rata za ostvarivanje ciljeva iz osnovne djelatnosti za koje su registrovani.

#### Član 17.

(Olakšice)

Pravna lica i fizička lica koja obavljaju samostalnu djelatnost i koja registruju proizvodne djelatnosti, oslobađaju se obaveze plaćanja komunalne takse za istaknutu firmu i to:

- a) za prve dvije godine 100%
- b) za treću godinu 50% od ukupnog iznosa taksene obaveze.

## DIO PETI- KRITERIJI ZA UTVRĐIVANJE VISINE TAKSA I TARIFE TAKSA

### Član 18.

(Kriteriji za utvrđivanje visine taksa)

- (1) Opći kriteriji za utvrđivanje visine takse su:
  - a) površina prostora po m<sup>2</sup> koja se koristi
  - b) zone u kojima se koriste predmeti, prostori ili pružaju usluge.
- (2) Područje grada Bihaća, u pogledu utvrđivanja visine takse, dijeli se na četiri zone navedene u ANEKSU I, koji je sastavni dio ove Odluke

### Član 19.

(Tarife)

Visina taksa utvrđuje se Tarifom komunalnih taksa (u daljem tekstu: Tarifa), koja predstavlja Aneks II ove Odluke i njen je sastavni dio.

## DIO ŠESTI – NADZOR

### Član 20.

(Upravni nadzor)

Upravni nadzor nad provođenjem ove Odluke vrši Služba za komunalne djelatnosti, vode, zaštitu okoliša i inspeksijske poslove.

### Član 21.

( Inspeksijski nadzor )

Inspeksijski nadzor nad primjenom ove Odluke vrši komunalna inspekcija u okviru svojih ovlaštenja.

## DIO SEDMI-KAZNENE ODREDBE

### Član 22.

(Prekršaji)

- (1) Novčanom kaznom u iznosu od 1.000,00 KM - 2.000,00 KM kazniće se za prekršaj pravno lice:
  - a) ako postupa suprotno odredbama čl. 8. ove Odluke
  - b) ako postupa suprotno odredbama čl. 9. ove Odluke
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 500,00 KM - 1.000,00 KM.
- (3) Za prekršaj iz stava (1) ovog člana kaznit će se i fizičko lice, koje obavlja samostalnu djelatnost novčanom kaznom u iznosu od 300,00 KM - 800,00 KM.

## DIO OSMI - PRELAZNE I ZAVRŠNE ODREDBE

### Član 23.

(Postupci koji nisu okončani)

Postupci razreza komunalne takse koji nisu okončani do dana stupanja na snagu ove Odluke okončat će se prema odredbama Odluke o komunalnim taksama („Službeni glasnik Grada Bihaća“, br. 4/15, 2/16 i 13/17).

### Član 24.

(Prestanak važenja Odluke)

Danom stupanja na snagu ove Odluke prestaje da važi Odluka o komunalnim taksama („Službeni glasnik Grada Bihaća“ br. 14/15, 2/16 i 13/17).

### Član 25.

(Stupanje na snagu Odluke)

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: GV-\_\_\_\_\_

Bihać, \_\_\_\_\_2018. godine

Predsjedavajući Gradskog vijeća

Davor Župa

**ANEKS I - ZONE NA PODRUČJU GRADA BIHAĆA****DIO A – NULTA ZONA**

R/b	Naziv ulice
1.	Ulica Bosanska (od raskrsnice sa ulicom 5. korpusa do Trga reisa Džemaludina efendije Čauševića, dio ulice Bele IV, ulice Kralja Tvrtka I i dio ulice Nurije Pozderca (obuhvat po projektu popločanja Bosanske ulice)

**DIO B - PRVA ZONA**

R/b	Naziv ulice
1.	Ulica Pape Ivana Pavla II
2.	Ulica Gazi Husrefbegova
3.	Aleja Alije Izetbegovića prvog predsjednika Predsjedništva RBiH
4.	Most Alije Izetbegovića prvog predsjednika Predsjedništva RBiH
5.	Trg maršala Tita
6.	Trg reisa Džemaludina efendije Čauševića
7.	Ulica Bosanske državnosti
8.	Ulica Krupska
9.	Ulica Husein kapetana Gradašćevića
10.	Ulica Miroslava Krleže
11.	Ulica HVO-a
12.	Dio ulice Bele IV i dio ul. Nurije Pozderca
13.	Ulica Bedem
14.	Ulica dr. Irfana Ljubijankića (od kanala jarak do spoja s ulicom Murat-bega Ibrahimpašića)
15.	Ulica Murat-bega Ibrahimpašića
16.	Ulica Bosanskih kraljeva
17.	Ulica Himze Polovine
18.	Ulica Bosanskih banova
19.	Ulica Sarajevska
20.	Ulica Harmanska (od spoja s ulicom 5. korpusa do spoja s ulicom Sarajevska)
21.	Ulica Hamdije Kreševljakovića
22.	Ulica Harmanskih šehida
23.	Ulica Vazduhoplovne grupe
24.	Ulica Mehmedalije Maka Dizdara
25.	Ulica AVNOJ-a
26.	Ulica ZAVNOBiH-a
27.	Ulica Ešrefa Kovačevića
28.	Ulica Muhsina Rizvića
29.	Ulica fra Joze Valentića

30.	Ulica 5. korpusa (od gradskog sata do spoja s ulicom fra Joze Valentića)
31.	Ulica 502. viteške brigade (od spoja s ulicom 5. korpusa do Doma kulture )
32.	Ulica Hasana Kjačije Pruščaka (od spoja sa ulicom Sarajevskom do ulice Bosanskih banova)

*DIO C – DRUGA ZONA*

R/b	Naziv ulice
1.	Ulica dr. Irfana Ljubijankića (od spoja s ulicom Murat bega Ibrahimpašića do spoja s ulicom Ceravačka brda)
2.	Ulica Ceravačka brda
3.	Ulica Bužimska
4.	Ulica Koste Hormanna
5.	Ulica Antifašističkog otpora
6.	Ulica Hamdije Čemerlića
7.	Ulica Ali Fehmije Džabića
8.	Ulica Mehmed-paše Bišćevića
9.	Ulica Alije Nametka
10.	Ulica Bosanske nezavisnosti
11.	Ulica Mehmed-paše Sokolovića
12.	Ulica Hasan Kjačije Pruščaka (od spoja s ulicom Mehmed-paše Sokolovića do spoja s ulicom Sarajevskom)
13.	Ulica Mehmeda Spahe
14.	Ulica Alije Isakovića
15.	Ulica Ferhad-paše Sokolovića
16.	Trg TO Ozimice I
17.	Ulica Alekse Šantića
18.	Ulica Dobrih bošnjana
19.	Ulica Harmanska (od spoja s ulicom Sarajevskom do spoja s ulicom Muse Ćazima Ćatića)
20.	Ulica dr. Mehmeda Tatlića
21.	Ulica Odreda za specijalna dejstva
22.	Trg Zlatnih ljiljana
23.	Ulica Hasan-age Pećkog
24.	Ulica Crkvina
25.	Ulica fra Bosiljka Ljevara
26.	Ulica Dušana Vukotića
27.	Ulica Safeta Isovića
28.	Ulica Milana Keče

29.	Ulica Hamdije Pozderca
30.	Ulica Muse Ćazima Ćatića
31.	Ulica Darivalaca krvi
32.	Ulica Branka Ćopića
33.	Ulica Kunovska
34.	Ulica Mimar-Hajredina
35.	Ulica Španskih dobrovoljaca
36.	Ulica Mirze Delibašića
37.	Ulica Skendera Kulenovića
38.	Ulica Jovana Bjelića
39.	Ulica Ferida Džanića
40.	Ulica reisa Mustafe Omerovića
41.	Ulica Drinska
42.	Ulica Franjevačka
43.	Ulica Muhameda Hadžijamakovića
44.	Ulica Bosanskih gazija
45.	Ulica Splitska
46.	Ulica Muhameda Hadžijahića
47.	Ulica Hrvatskih branitelja (od mostića na Lukama do spoja s ulicom Branka Ćopića)
48.	Ulica Žegarska aleja
49.	Ulica 5. korpusa (od spoja s ulicom fra Joze Valentića do mostića na Lukama)
50.	Ulica 501. slavne brigade
51.	Jezerska ulica
52.	Ulica Ali-bega Firdusa
53.	Ulica Mustaj-bega Ličkog
54.	Ulica meteorološka
55.	Ulica Hasana Bibera
56.	Ulica Mehmeda Fazlića
57.	Ulica Isaka Samokovlije
58.	Ulica Islamovac
59.	Ulica Mehmeda Mujezinovića
60.	Ulica Muharema Bagramelija
61.	Ulica Vladimira Nazora
62.	Ulica Mehmeda Havajije Uskufije
63.	Ulica Alije Đerzeleza
64.	Ulica Vasif-bega Bišćevića

65.	Ulica Branislava Đurđeva
66.	Ulica Đoke Mazalića
67.	Ulica Omera Novljanina
68.	Ulica Prisika
69.	Ulica Šarnovac
70.	Ulica 502. viteške brigade ( od Doma kulture do Midžića jezera)
71.	Ulica Bihaćkih branilaca
72.	Ulica Džemala Bijedića
73.	Ulica Midžića mahala
74.	Ulica Nade Klaić
75.	Ulica Tuk-mahala
76.	Ulica Do
77.	Ulica Ivana Gorana Kovačića
78.	Ulica dječijih žrtava
79.	Ulica Nikole Tesle
80.	Ulica Mimar-Sinana
81.	Put Armije R BiH (od spoja s ulicom Bihaćkih branilaca do ulice Bihačke Republike)
82.	Ulica Bihačke Republike
83.	Ulica Vejzovac
84.	Ulica Ribićkih ljljana
85.	Ulica Hadžiabdića mahala
86.	Ulica Čehajića mahala
87.	Ulica Abdulaha Škaljića
88.	Ulica Husrefa Redžića
89.	Ulica Safvet-bega Bašagića
90.	Ulica Hošića mahala
91.	Ulica Dede Ajdinovića
92.	Ulica 17. maja
93.	Ulica Huseina Dupanovića Hukija
94.	Ulica Cazinska
95.	Ulica Džanića mahala
96.	Ulica Safeta Krupića
97.	Ulica Hasana Kaimije
98.	Ulica Karla Friedricha Gaussa
99.	Ulica Nafije Sarajlić
100.	Ulica Midhata Begića
101.	Ulica Plandište



102.	Ulica Hazima Šabanovića
103.	Ulica Ključka
104.	Ulica Besima Korkuta
105.	Ulica Hatinačkih branilaca
106.	Ulica Meše Selimovića
107.	Ulica Smajića mahala
108.	Ulica Envera Krupića
109.	Ulica Ćamila Sijarića
110.	Ulica Umihane Čuvidine
111.	Ulica Derviša Sušića
112.	Ulica Hatinačkih šehida
113.	Ulica Hatinački brod
114.	Ulica Prvi hatinački sokak
115.	Ulica Drugi hatinački sokak
116.	Ulica Mehmeda Šaćira Kurtćehajića
117.	Ulica Nositelja hrvatskog trolista
118.	Ulica Hasan paše Predojevića (od spoja sa ulicom Mehmeda Šaćira Kurtćehajića do mosta u Bakšaišu)
119.	Ulica Saliha Mušanovića
120.	Ulica Ale Galića
121.	Rođina ulica
122.	Ulica Vladimira Preloga
123.	Ulica Bihaćkih poginulih odbojkaša

#### *DIO D – TREĆA ZONA*

Sve ulice koje nisu u obuhvatu I i II zone.

#### **ANEKS II –TARIFA KOMUNALNIH TAKSA**

##### *DIO A-TARIFA br. 1 (istaknuta firma)*

Pod površinom prostora za utvrđivanje iznosa takse za istaknutu firmu podrazumijeva se poslovni prostor utvrđen rješenjem nadležnog organa kojim su utvrđeni tehnički i drugi uslovi za obavljanje registrovane djelatnosti.

Korisna površina prostora (m <sup>2</sup> )	Nulta zona KM/ godišnje	I zona KM/ godišnje	II zona KM/ godišnje	III zona KM/ godišnje
do 25 m <sup>2</sup>	77,00	64,00	52,00	38,00
od 25 m <sup>2</sup> do 50 m <sup>2</sup>	115,00	96,00	77,00	57,00
od 50m <sup>2</sup> do 100 m <sup>2</sup>	192,00	160,00	128,00	96,00

preko 100 m <sup>2</sup>	iznosu od 192,00 KM za 100 m <sup>2</sup> korisne površine prostora zbraja se iznos od 0,40 KM za svaki naredni m <sup>2</sup>	iznosu od 160,00 KM za 100 m <sup>2</sup> korisne površine prostora zbraja se iznos od 0,40 KM za svaki naredni m <sup>2</sup>	iznosu od 128,00 KM za 100 m <sup>2</sup> korisne površine prostora zbraja se iznos od 0,40 KM za svaki naredni m <sup>2</sup>	iznosu od 96,00 KM za 100 m <sup>2</sup> korisne površine prostora zbraja se iznos od 0,40 KM za svaki naredni m <sup>2</sup>
--------------------------	--	--	--	---

Obrtnicima kojima je to osnovna ili dopunska djelatnost, a za obavljanje iste nije im potreban poslovni prostor, taksa na istaknutu firmu utvrđuje se paušalno, u iznosu od 100,00 KM/godišnje.

*DIO B-TARIFA br. 2 (isticanje reklame)*

Vrste reklama	Nulta zona	I zona	II zona	III zona
Reklamni natpisi, samostojeći reklamni panoi, reklame na stubovima javne rasvjete i pokretni reklamni panoi (KM /m <sup>2</sup> /godišnje)	79,00	67,00	53,00	40,00
Reklamni pano sa nosačima na fasadi građevine-wallscape (KM/komad/godišnje)				
do 20 m <sup>2</sup> površine	486,00	405,00	324,00	243,00
preko 20 m <sup>2</sup> površine	648,00	567,00	450,00	342,00
Tenda, jarbol, reklamni ormarić ili vitrina (KM /komad/godišnje)	49,00	41,00	33,00	25,00
Reklame na fasadi građevine (KM /m <sup>2</sup> /godišnje)	5,00	4,00	3,00	2,00
Transparenti (KM/komad/dnevno)	15,00	15,00	15,00	15,00
Reklame na izlozima				

poslovnih prostora, (KM /m <sup>2</sup> /godišnje)	20,00	15,00	10,00	5,00
---	-------	-------	-------	------

Taksa za obostrane reklame utvrđuje se za svaku stranu reklame.

*DIO C-TARIFA br. 3 (privremeno zauzimanje javnih površina)*

Svrha privremenog zauzimanja javnih površina	Iznos takse (KM/m <sup>2</sup> /dnevno)
Održavanje javnih manifestacija uz naplatu ulaznica (koncerti, video projekcije i sl.)	1,00
Održavanje komercijalnih prezentacija i prigodnih prodaja proizvoda	3,00

*DIO D-TARIFA br. 4 (prodaja roba ili pružanje usluga izvan poslovnih prostorija)*

Vrsta usluga	Nulta zona	I zona	II zona	III zona
Pružanje ugostiteljskih usluga van ugostiteljskih objekata u vrijeme sezone od 01.05. do 31.08. (KM/m <sup>2</sup> /mjesečno)				
- na javnoj površini	6,00	5,00	3,00	2,00
- na vlastitoj površini	2,50	2,00	1,50	1,00
Pružanje ugostiteljskih usluga van ugostiteljskih objekata van sezone (paušalno/KM/mjesečno)				
- na javnoj površini	118,00	99,00	66,00	44,00
- na vlastitoj površini	50,00	40,00	30,00	20,00
Držanje vitrine radi izlaganja i prodaje roba izvan poslovnih prostora (KM/mjesečno)	118,00	99,00	66,00	33,00
Postavljanje pokretnih stolova radi prodaje na period duži od jednog mjeseca (KM/mjesečno)	118,00	99,00	66,00	33,00
Postavljanje i korištenje				

bankomata (KM/godišnje po bankomatu)	666,00	555,00	333,00	222,00
Postavljanje i korištenje aparata za prodaju originalnih proizvoda i pružanje usluga (KM/godišnje po aparatu)	399,00	333,00	222,00	111,00

*DIO E - TARIFA br. 5 (priredivanje zabavnih igara)*

Vrsta zabavnih igara	Nulta zona	I zona	II zona	III zona
Igre na računarima, igraćim konzolama, simulatorima, automatima za video igre, fliperima, bilijarima i drugim sličnim automatima (KM/komad/godišnje)	60,00	50,00	30,00	20,00

*DIO F-TARIFA br. 6 (organizovanje i držanje žive muzike u ugostiteljskim objektima )*

Organizovanje i držanje žive muzike u ugostiteljskim objektima otvorenog ili zatvorenog tipa u svim zonama	89,00 KM/ dnevno
--	------------------

*DIO G-TARIFA br. 7 (korištenje uređaja i opreme za pružanje usluga mobilne telefonije)*

Vrsta uređaja/opreme	Nulta zona	I zona	II zona	III zona
Bazna stanica mobilne telefonije (KM/po komadu/godišnje)	10.000,00	9.500,00	9.000,00	8.800,00
Mikrobazne stanice mobilne telefonije (KM/po komadu/godišnje)	5.000,00	4.500,00	4.000,00	3.800,00
Predajnici (pasivni repetitori) (KM/po komadu/godišnje)	2.500,00	2.000,00	1.500,00	1.300,00
Antene i stubovi (KM/po komadu/godišnje)	2.500,00	2.000,00	1.500,00	1.300,00

*DIO H-TARIFA br. 8 (korištenje elektroenergetskih objekata kojima se vrši prenos električne energije-trafostanica)*

Vrsta uređaja/opreme	Nulta zona	I zona	II zona	III zona
Prenosna trafostanica 220/110/35/10(20) kV, (KM/po komadu/godišnje)	10.000,00	9.500,00	9.000,00	8.800,00
Prenosna trafostanica 110/20/10/(20) kV i elektrovučna postaja 110/25 kV (KM/po komadu/godišnje)	8.000,00	7.500,00	7.000,00	6.800,00
Trafostanica 35/10 (20) kV i rasklopna postrojenja (KM/po komadu/godišnje)	2.000,00	1.500,00	1.000,00	800,00
Distributivna trafostanica 10(20)0,4 kV (STS i MBTS) (KM/po komadu/godišnje)	600,00	550,00	500,00	450,00

*DIO J-TARIFA br. 9 ( korištenje podzemnih i nadzemnih instalacija)*

Vrsta uređaja/opreme	Nulta zona	I zona	II zona	III zona
Podzemne i nadzemne instalacije (KM/m/godišnje)	0,30	0,25	0,20	0,10

*DIO K-TARIFA br.10 (korištenje uređaja i opreme za pružanje usluga kablovske televizije i bežičnog interneta)*

Vrsta uređaja/opreme	Nulta zona	I zona	II zona	III zona
Bazna stanica (KM/po komadu/godišnje)	6.000,00	5.500,00	5.000,00	4.500,00
Mikrobazna stanica (KM/po komadu/godišnje)	3.000,00	2.500,00	2.000,00	1.500,00
Predajnik (KM/po komadu/godišnje)	1.500,00	1.250,00	1.000,00	800,00
Antene i stubovi (KM/po komadu/godišnje)	1.500,00	1.250,00	1.000,00	800,00

Na osnovu člana 132. tačka a) i člana 142. Poslovnika Gradskog vijeća Bihać (“Službeni glasnik Grada Bihaća”, broj: 3/16), Gradsko vijeće Bihać na \_\_\_\_\_ sjednici održanoj dana \_\_\_\_\_ godine, donosi:

## ZAKLJUČAK

o prihvatanju Nacrta Odluke o komunalnim taksama

### I

Prihvata se Nacrt Odluke o komunalnim taksama (u daljem tekstu: Nacrt Odluke).

### II

Nacrt Odluke stavit će se na javni uvid građanima u periodu od \_\_\_\_\_ do \_\_\_\_\_ i to u prostorijama Grada Bihaća-Info pult, u vremenu od 9,00-15,00 sati, objavom na web stranici Grada Bihaća, te dostavljanjem Nacrta Odluke Ministarstvu privrede USK-a, Savjetu za ekonomski razvoj Grada Bihaća, Privrednoj komori USK-a, Obrtničkoj komori, mjesnim zajednicama i drugim pravnim i fizičkim licima.

### III

Prijedlozi, mišljenja i sugestije na Nacrt Odluke mogu se dostaviti u pismenoj formi do \_\_\_\_\_-godine radnom tijelu Gradskog vijeća kojeg čine:

Javnu raspravu provest će Radna grupa u sastavu:

- \_\_\_\_\_
- \_\_\_\_\_
- \_\_\_\_\_
- \_\_\_\_\_
- \_\_\_\_\_

### IV

Radno tijelo za provođenje javne rasprave dužno je naročito:

- osigurati da materijal, odnosno Odluka koja je predmet javne rasprave, bude dostupan javnosti,
- pratiti javnu raspravu i pravovremeno prikupiti sve prijedloge, mišljenja i primjedbe koje se iznesu na javnoj raspravi,
- analizirati rezultate javne rasprave i o njima podnijeti izvještaj Vijeću i predlagaču materijala, odnosno učestvovati u završnoj javnoj raspravi.

V

Radno tijelo za provođenje javne rasprave održat će završnu javnu raspravu dana \_\_\_\_\_ godine u vijećnici Grada Bihaća s početkom u 10,00 sati.

VI

Predlagač će, uzimajući u obzir prijedloge i mišljenja sadržane u izvještaju radnog tijela za provođenje javne rasprave, utvrditi Prijedlog Odluke o komunalnim taksama i podnijeti ga Gradskom vijeću na razmatranje i donošenje.

VII

Zaključak stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: GV-\_\_\_\_\_

Bihać, \_\_\_\_\_godine

Predsjedavajući Gradskog vijeća

Davor Župa